



Bovosės Šaukienu dvira suodības vartā

# ŠAUKIENĀ

ŽELVĪTĒ DANGUOLĒ

SUNGAILIENĒS LORETAS  
PORTEGRAPEJĒS



Šaukienu Švč. Trejībės bažničė (pastatīta 1947 m.); bruoliu Juociū križios, skėrts Lietuvos krėkšta 600 metu jubiliėjou, Šaukienu švėtuoriou

Netuolēj Vaiguvuos – Šaukienu gīvenvietē. Ana pri pat kelē Kelmē–Kursienā. Nu čē iki Šiauliū – 30 kėluometru. Pru šali tek Šuonas opē ēr anuos intaks līga, vo je pasuksi kėik i šuona, ēr Vėnta privažiouši.

Gīvenvietēs pavadēnēms īr kėldēnams nu žuodē šauktē. Atseit, onkstiau čē bovosēs klaidēs vėitas, vo pasėklidē žmuonis liuob dėdlē šauktē. Nu tuo ēr tas pavadēnēms – Šaukienā.

Pagrindinis ēr šiuo miestelē akcēnts īr bažničē – Švėnčiausēs Trejībēs. Šaukienā nu pat XV omžiaus garsē tou, ka čē bova vėns iš seniausiu krėkščiunibēs cėntrū Žemaitėjou.

Dabartēnē bažničē īr karkasēnē, pastatīta 1947 metās. Ana īr stačėkampē plana, so dom buokstėlēs. Bažničēs ansambliē daugiausē aki trauk mūrēnē arkēnē švėntuoriaus vartā (anēi īr itrauktē i valstībēs sauguomu paminklu sārāša). Tvuora padarīta iš mēdėniu statėniū. Diemesi patrauk ēr pri bažničēs stuovinti varpēnē, katra pastatīta dā XVIII omžiou.

Īr išlėkē ēr XVIII omžiou suformouta Šaukienu dvira ansambliē pastatū (iš vėsa anū – 5). Tas dvirs čē īr bovēs nu sena, nes dar išlėkusiūs XV omžiaus vėdorē rašītėniūs šaltėniūs rondam žėniū



Šaukienu herbs





Informacinė lenta, pritvirtinta pri Šaukienu bažničės sėinas



Šaukienu bažničės vitražā, paveiksłā

aple Šaukienu kaima, katros tou laiko bova isėkūrės pri dvara.  
 XV omžiaus pabaiguo (1486 m.) Šaukienūs pastatita pėrmouji bažničė. Anuos fundatuorė bova Šemetas – Margarita ėr Mėkaluojos.  
 1497 m. pastatīts pėrmasis bažničės altuorios. Bažničiuo ir daug ėr vertingu skulptūru, krėkštiklu, koplitelė.  
 Tuo patėis XV omžiaus pabaiguo (1499 m.) Šaukienams bova soteikta teisė rengtė savaitėni torgo ėr laikitė smuklės.  
 XVII omžiaus pradiuo Šaukienūs dėdliausė itaka toriejė prutes-tantā. Če veikė ėr anū malduos nomā.  
 1632 m. miestelie bova pastatita nauji bažničė, vo 1763 m. anou pakeitė kėta. Naujuoji bažničė bova stačekampė plana, so dom buokštelės.  
 Par 1708–1711 metu mara Šaukienūs išmėrė vėsė giventuojė.  
 Nu 1803 m. pri Šaukienu bažničės veikė parapėnė muokikla, vuo 1909–1914 m. – Lietoviu katalėku blaivībės draugėjės skīros.  
 Priš Pėrmouji pasaulini kara bova pastatita nauji Šaukienu bažničė. Ana sodegė par Ontrouji pasaulini kara. 1947 metās, pa-statita nauji medėnė karkasėnė bažničė, katra tebstuov lig šiuol.  
 Švėntuoriaus tvuora – medėnė.  
 XVIII omziou šalėp bažničės pastatita varpėnė.  
 Dėdėkā Šemetas Šaukienu valdė iki XVIII omžiaus ontruos po-



Evelinas Broel Pliateritės-Gorskas (1830–1898) kaps Šaukienu švėntuoriou

sės. Vieliau Šaukienu šeiminkās tapa Gorskė, katrėi Šaukienu sopleida tik 1940 metās.  
 1923 m. Šaukienūs bova 684 giventuojė, iš anū 324 – žīdu tautībės. Par Ontrouji pasaulini kara mažnė vėsė Šaukienu žīdā, katrėi nespiej pasėtrauktė, bova sonaikintė.

(Nukelta i 32 p.)



Iš kairies: Dobužinskis Mstislavs. „Šaukienu bažničės varpėnė”. 1933 m.; XVIII omžiuo statītė Šaukienu švėntuoriaus vartā



Šaukienu dvara parks šindėin

(Atkelta iš 31 p.)

1931 m. Šaukienuos bova isteigta pėrmuoji apskrėtie Žėimuos žemės ūkė muokikla.

1944 m. rogpjūtė 6 dėina vuokītems traukontėis iš Šaukienu, miestelie kėla gaisros, sodėgė bažničė, sinaguoga, daug kėtū medėniu pastatū.

Iš Šaukienu dvara nemažā kas dā ir išlėkė. Senėijė dvara pastatā – iš XVIII omžiaus. Vieliau anėi bova perstatītė.

Mūsa dėinū solaukė ėr dvara suodībuo irėngts parks, i katrou ved gražė dvara klestiejėma laikās pastatītė vartā. Onkstiau tas parks užiemė aple 15 hektaru. Će auga daug retū miediu ėr krūmu.

Šėndėin Šaukienu dvara suodībuo veik psichiatrėnė lėguonėnė.

Šaukienu parka, kap ėr Abramėškiu, Apitalaukė, Veliuonas, Rietava, Pieniuoniū, Pagrīžuvė, Duotnuvuos, kt., specelistā priskėr pri pėrmūju peizažėniu parku, katrėi XIX omžiaus pradiuo bova ikortė Lietovuos terėtuorėjuo pri dvarū.

Šaukienams teka ėpatinga vėita knīgnešiū gadīnie. Tuos vėituos aktīvė veikė Lietovuos tautėnė atgėmėma žadintuos Višinskis Puovėls.

Šėndėin Šaukienu miestelie veik pagrindėnė muokikla, bėbliuoteka, pašts.

1999 metās Lietovuos Respublikas prezidėnts patvėrtėna Šaukienu herba.

2007 m. gegužės 26 d. Šaukienu vėdorėnė muokīklā soteikts pedaguoga, švėitiejė, Lietovuos šauliū sājungas ikūriėjė Putvinskė-Pūtvė Vlada vards.